

Ekwo-ozì K'èbo, Pòlu Deru Nù
Timoti

¹ Ọọ mụbe Pòlu; onye-ishi-ozì Kéreshi Jizọsu lẹ g'ọ bụ uche Chileke l'ede ẹkwọ-a; gẹ mu gude pfiaru ndiphe l'ophu k'ọkpobe ndzụ ono, Chileke kweru ukwe lẹ ya e-shi l'ẹka Kéreshi Jizọsu nù anyi ono.

² Onye mu ede iya anụ bụ gụbe nwa mu ono, mu yeru obu, bụ Timoti. Gẹ Chileke, bụ Nna; yẹe Nnajiuphu anyi, bụ Kéreshi Jizọsu meeru ngu eze-iphe-oma; phụkwaaru ngu phọ obu-imemini; mekwaphọ g'ẹhu dụ ngu guu.

Pòlu ekele Chileke bya aadụkwapho Timoti obu

³ Mu etu Chileke ẹpha; mbụ onye mu gude obu mu g'ọ ha ejeru ozì gẹ nna mu oche phẹ jeru iya; ọphu ọowadu mu obu mini. Iphe, bụkpoo tekenteke, mu epfu anụ Chileke l'eswe mẹ l'enyashi bẹ mu anyatajẹ tua ya ẹpha l'opfu ẹhu ngu. ⁴ Timoti; mu nyatakwaru-a ẹnyamini ono, ghakashihuru ngu l'ẹnya ono. Ọ bụru iphe ono meru g'ọ gude oghoroko ngu dụ mu shii. Mbụ-a; ọ gụkwa mu g'a sụ lẹ mu lẹ ngu hụmaru ọzo k'ọphu ẹhu-utso e-jikwanụ mu ọkpoma. ⁵ Mu anyatajẹkwa ọkpobe ekwekwe ono, i kweru kẹ Nnajiuphu anyi ono. Ekwekwe ono bẹ ne ngu oche, bụ Loyisu yẹe nene ngu, bụ Yunayisu vuhadaa ngu rọ ụzo kwetaadaa; o dokwaa mu phọ ẹnya l'o nokwaphọ gẹ gụbedua kwetaru. ⁶ Noo g'ọ gude mu nọdu anyataru ngu sụ g'i mekwaa iphe-oma ono g'ọ ree ire; mbụ iphe-oma ono, Chileke shi l'ẹka ono, mu byabẹru ngu l'ishi nù ngu teke ono, mu pfuru nù Chileke l'opfu ẹhu ngu ono. ⁷ Lẹ Unme-dụ-Nsọ ọphu Chileke nùru anyi ta abụkwa Unme, l'e-me anyi g'anyi tsuje ebvu. Ọ kwa Unme a-nuje anyi ike bya aburu Unme

n-yemobu; bya aburu Unme emejekwapho g'anyi du ike sedekotaje onwanyi.

⁸ Oo ya bu; g'o to dukwa teke iisoje enya epfuru ndiphe l'i bu onye ke Nnajiuphu anyi ono. Ophu iphere ehu mbedua adujekwa ngu; mbu mbedua ono, a turu mkporo l'opfu ehu Nnajiuphu anyi ono. Iphe, ii-mechia bukwa g'i jee de iphe-ehuka nkengu l'iphe-ehuka ono, anyi eje gude ese iswi ozi-oma ono. Chileke be e-mekwaa g'i du ike ejeje iya. ⁹ Oo Chileke ono be bu onye dzoru anyi; bya ekua anyi oku, du nsu ono; o to budu iphe, anyi setaru l'akanya; o bu eze-iphe-oma, bu iphe, o tubehawaru l'o noo ge ya l'eme iya. Ono buru iphe, o gbe l'eka Kereshi Jizosu meeru anyi teme mgboko du. ¹⁰ Ole nta-a be o byaru emee: a huma-dzuru eze-iphe-oma ono; kele Kereshi Jizosu ono, bu Onye-Ndzota anyi ono be byawaru eliphe-a bya emebyiwaa ike k'anwuhu. Nta-a be o shiwaal' ozi-oma ono mee g'ahuma-dzuru ndzu ono; mbu ndzu ophu bu a -dzuwaru iya; a taa nwuhubaedu anwuhu.

¹¹ O buru iya be a hotaru mu ge mu saje asasa; mu abukwarupho onye-ishi-oziiya; buru onye ezi iphe ezizi. ¹² O kwa iphe ono meru g'o gude mu ndu ejekotakpoo iphe-ehuka-a, mu eje-a; ophu o budu l'iphere iya aduje mu; noo le mu maru onye mu kweru nkiya; teme o doo mu enya ree l'oo-du ike kwakobe iphe ono, mu yeru iya l'eka ono jeye mboku ono. ¹³ Gudeshiekwapho okpobe-opfu ono, i numaru mu l'onu ono; g'o buru iya a-ndu akpo-ziru ngu uzo g'ii-gudeje epfu opfu; kweta iya; ndu Kereshi Jizosu l'eka yee nwibe ngu obu. ¹⁴ Kwabekwaru eguru iphe ono, e yeru ngu l'eka ono enya. Oo Unmedu-Nsu ono, bu l'ime anyi ono e-me g'i du ike letakota iya enya.

¹⁵ ?O kwa l'i maru le ndu Eshiya, g'ephe ha

bẹ tũkoakwaru g'ẹphe ha gbakashihu parũ mu haa; mbũ je akpaa lẹ Fayigelosu yẹe Hemojinizu. ¹⁶ Gẹ Nnajiuphu phũaru ndibe Onẹsiforosu obu-imemini; kẹle o shi anọduje agba mu unme; ọp̄hu iphere mu adujedu iya gẹ mu nọ mkp̄oro-a. ¹⁷ Teke o beberu byarwuta Romu bẹ ọ wataeru mu ph̄o achoshi ike jeye teke ọ hũmaru mu. ¹⁸ Gẹ Nnajiuphu jiko yekwarũ iya ẹka; gẹ Chileke phũaru iya obu-imemini mb̄oku onoya; ḡubedua l'onwongu mawaru-a g'o yetaberu mu ẹka lẹ Efes̄osu.

2

Ọkpobe onye oj̄ogu kẹ Kéreshi

¹ Ọo ya bũ; ḡubedua, bũ nwa mu; gẹ Chileke mee g'i gude eze-iphe-oma ono, shi l'ẹka Kéreshi Jiz̄osu ono shihu ike. ² Ī nũmawaru-a iphemiphe ono, mu pfuru l'edzudzu-oha ono. Woru iya ye l'ẹka ndu goshiwaru l'ẹphe gbaru g'e gude ire ph̄e ẹka b̄ukwanu ndu a-dũ ike zikwaa ya ph̄o ndu ọzo.

³ Takwaa nshi jee òkè iphe-ẹhuka nkengu l'opfu ẹhu Kéreshi Jiz̄osu, bũ iphe, gbaru ọkpobe onye oj̄ogu kẹ Kéreshi. ⁴ Ọ t̄o d̄ũkwa onye oj̄ogu, nọ l'ẹka ọgu ekpo ọku, ewojeru onwiya je eye l'akanya k'eliphe-a; gbahaa g'o mee iphe, dũ onye h̄otarũ iya nũ ono ree. ⁵ Ọzo b̄uru l'onye agba ọso bẹ e te bujekwa nggo k'onye kachaa agbagba m̄e ọ -b̄udu l'ọ gbaru iya g'aagbajẹ iya. ⁶ Ọo onye ak̄o opfu, ejeshi ozi ike bẹ ọ gbaru kẹ g'o vujeru ọzo ria iphe, o metaru l'opfu iya ọbu. ⁷ R̄ikwaa iphemiphe ono, mu pfuru ono ar̄iri. Gẹ Nnajiuphu yetakwaru ngu ẹka g'iphemiphe dok̄ota ngu ẹnya.

⁸ Nyatakwa Jiz̄osu Kéreshi ono, Chileke meru: o shi l'onwu teta dzũru ndzũ ono. Jiz̄osu ono bũ eri Dévidi; ọ b̄uru iphe ono b̄ukotakpoo iphe ozi-oma ono, mu ezi ono epfukp̄o. ⁹ Ọ kwa l'ọo lẹ mu ezi ozi-oma ono meru g'o

gude mu nɔdu eje iphe-ɛhuka-a, mu eje-a; g'ɔ bu lɛ mu bu onye meru ɛjo-iphe. Ọle ɔ bu; a-tɔchaa mu mkpɔro; ?a tɔhunuru ozi-oma ono mkpɔro? ¹⁰ Noo g'o gude mu gude k'ɛhu ndu Chileke hɔtaru atagbukɔta iphemiphe ono lɛ nshi; ɔo ya bu gɛ Chileke eshikwanu l'ɛka Kéreshi dzɔkwaa phɛ phɔ; shi ɛgube ono nu phɛ ndzu ojejoje, du biribiri. ¹¹ Opfu-a bɛ bukwa opfu, e gude ɛka, pfuru su:

Ọ -buru l'anyi lɛ Kéreshi
 bɛ tɔkoru nwuhukota
 bɛ anyi l'iya
 a-tɔkokwapho
 nɔdukota ndzu.

¹² Ọ -buru l'anyi atagbukɔtaje
 iphemiphe lɛ nshi
 bɛ anyi lɛ Jizosu
 a-tɔkokwapho buru eze.

Ọ -buru l'anyi suru l'anyi
 ta amadu onye ɔ bu
 bɛ ɔo-sɔkwapho lɛ
 ya ta amadu ndu anyi bu.

¹³ Ọ -buru l'anyi ta
 apfushijedu ike l'iphe,
 anyi pfuru bɛ yɛbedua
 apfushijekwa ike l'iphe,
 o pfuru.

Kɛle ɔ tɔ gbanwejedu iphe,
 o pfuru.

Onye e kweru l'oojerwe ozi ejerwe

¹⁴ Nyatajeru onyemonye iphemiphe ono; l'i nɔduje l'iphu Chileke pfiaru phɛ iya pfushiaru phɛ iya ike su phɛ g'ɛphe ta nɔdujekwa abaphe mba l'opfu, enwedu ishi. Ọ tɔ dukwa urwu du iya nu. Ọ 'ɛkwapho emebyi

bẹ oomebyije ndu anụ iya nū. ¹⁵ Kukebe ẹhu goshije phẹ lẹ Chileke hụkotawaru ngu ama bya agụa ngu l'onye gbaru kẹ g'i jejeru iya ozi; mbụ l'i bụ onye-ozì, iphere ozi, ooje adudu; tẹme ì bụru onye anọduje ezirwe ọkpobe-opfu ono ezirwe. ¹⁶ L'i zejeru onwongu g'i tị yijeshi lẹ ndu epfu mkpọkoro opfu, bụ iphe eswe. Noo kẹle ẹgube opfu ono e-me ndu anụ iya nū: ẹphe alaa azụ azụ; ẹphe te eyeheduru Chileke ùbvù. ¹⁷ Iphe, ẹphe ezi aduje g'onwo, ababushi anụ. Ndu harụ yiru lẹ ndu ono, epfu iphe ono bụ Hayimeniyosu yẹe Filitosu. ¹⁸ Ẹphe gwọbewaru etso ọkpobe-opfu ono; kẹle ẹphe sūru lẹ ndu nwuhuru anwuhu gbẹ shiwanụ l'onwu teta dzuru ndzụ. Ẹphe gude ẹgube ono nweru ndu ọphu ẹphe harụ enwunga enwunga; gude nno nwufu phẹ l'ekwekwe ono, ẹphe kweru kẹ Chileke ono. ¹⁹ Ọle ọkpa-ulo ono, shihuru ike ono, Chileke tūru ono bẹ bụkwanu 'enwubata enwubata. Iphe-ọhubama, Chileke deru l'ọkpa-ulo ono bụ: Nnajiuphu maru ndu bụ ndu nkiya. Iphe ọzo, o dekwaru iya phọ bụ: G'iphe, bụkpoo onye sūru lẹ ya bụ kẹ Nnajiuphu anyi; wofukwaphọ ẹka l'eme ẹjo-iphe.

²⁰ “Eze-ulo, ha shii ta abụekwapho ụdu ite, dū iche iche, e gude mkpọla yẹle ope, vu aswa kpua bẹ aduje iya nū kpoloko. Iphe, a pyiru l'oshi mẹ ọphu a kpuru l'urwa adujechakwaa ya. Ndu aburu iphe, aanodu akwabe ùbvù; ndu abuerupho iphe, e gude eme iphe. ²¹ Ọo ya bụ; ọ -būru l'o nweru onye safukotaru onwiya ẹjo-iphe ono, mu gushiru ono; ọ kwa iya bụ l'onye ono a-būru ite, aakwabe ùbvù ono, e doru nsọ ọ bụru iphe, e gude ejeru Nnajiuphu ozi; tẹme edozia ya g'e gude iya jeje iphemiphe, dū ree. ²² Ọo ya bụ; gbalajeru ẹgu eme ẹjo-iphe ono, l'anọduje agụ unwokorobya ono. Iphe, ii-mechia bụ g'i bụru onye pfulerekoto; l'i kweta kẹ Kéreshi; nweru n-yemobu; nweru nchị-adu-doo unu lẹ

ndu ono, egudeje obu-ìphóró akpọku Nnajiuphu ono. ²³ Te eyejekwa Ọnu l'opfu ntumego eswe, enwedu ishi; l'ì maanarụ-a l'ẹgube iphe ono bẹ bụepho ụswo bẹ e gudeje iya aswọ. ²⁴ L'onye-ozì kẹ Nnajiuphu bẹ bụfutajekwa onye ta aswọjedu ụswo; onye emejeru onyemonye odo; onye maru g'ezije iphe; bụru onye atajeru iphe nshi. ²⁵ Ọ bụfutaje onye ewozeje onwiya ali; akpọzìru ndu agbajẹ iya opfu agbagba ụzo. Kẹle o nweru g'oo-me Chileke agbẹ yeru phẹ ẹka; izìmanụ ẹjo-iphe ono alwa phẹ azụ; ẹphe alwapfuta Chileke; ẹphe abya amakọtaru ọkpobe-opfu onoya. ²⁶ Ọo ya bụ; ẹnya abya ekosahụ phẹ teke ono; ẹphe emefu l'ónyà ono, Obutuswe nmataru phẹ onoya, bụ iya shi mee phẹ: ẹphe nọdu eme iphe, bụ uche Obutuswe onoya.”

3

Umere ndiphe lẹ mbọku ikpazụ

¹ “Sụ-a; iphe lanụ, ịi-maru ọkpobe amaru bụ l'o -rwuepho teke k'ikpazụ bẹ ọkpobe iphe-ẹhuka a-byakwa. ² Noo lẹ teke ono bẹ ndiphe a-bụjeerupho onwophẹ bẹ ẹphe e-yeje obu kpoloko; ẹphe abụru ndu nchamẹnya okpoga; bụru ndu atụ ọnu onwophẹ; bụru ndu eku onwophẹ ekuku; bụru ndu anọduje ephu ndu ọzo iphu; ndu karikọtaru ne lẹ nna, nwuru phẹ nụ ẹka; ndu amadụ iphe-oma, e meru phẹ; ndu ta adudu iphe, adujeru phẹ lẹ nsọ ememe. ³ No iya; ẹphe a-bụru ndu nemadzụ dū ashị; ndu iphe ta abvujedu l'obu; ndu atukobeje nemadzụ ibe phẹ iphe, o meduru; ndu te esedejedu onwophẹ; bụru ndu eme ẹnari; ndu iphe, dū ree aduje ashị. ⁴ Ẹphe a-bụru o-deru-oye; bụru 'anuma anuma phẹ; bụru ndu etse etsetse; ẹphe abụru ndu ka eye iphe-utso obu eme lẹ Chileke; ⁵ ndu anọduje eme g'ẹphe kweru kẹ Chileke

l'ẹbe ẹphe ekweta ẹ Chileke ere ire. Jiko pakwaru ẹgube ndu ono haa.

⁶ “Ndu du nno be bu phe l'ahajeru abaphe l'ulo l'ulo edusweshi unwanyi, enwedu egomunggo; mbu unwanyi metawaru ẹjo-iphe; o kwowaru phe ẹhu; iphe, l'alophu ẹgube unwanyi ono buru ẹgu ẹjo-iphe, dugbaa iche iche, anoduje agu phe nu. ⁷ Ẹgube unwanyi ono be ọonoduje eheshi ihee ike; mbu g'ẹphe nwuta iphe; ọle ẹphe ta abyakwanu adu ike takebe marweta ọkpobe-opfu onoya. ⁸ Ndu ono, l'anoduje eduphushi unwanyi ono be kwachiru ọkpobe-opfu ono uzo ge Jianesu yee Jiambirisu kwachiru iya Mosisu teke ndiche ono. Ẹphe bu ndu egomunggo phe dahwaru adzulakpa; ekwekwe, ẹphe kweru be bu ekwekwe, daru l'ẹba l'ẹnya ke Chileke. ⁹ Ọle ndu ono ta adudu ẹka ẹphe ejebebaaru; onyemonye atuko humakota l'ẹphe bu ndu eswe; mbukwapho g'onemonye huma-dzuru ẹ Jianesu yee Jiambirisu bu ndu eswe.”

Okwa, Polu nmaru gude
kpochia ozi-a ishi

¹⁰ “Ọle gubedua mawaru iphe, mu ezi; ọkpobe amaru; bya amaru umere mu; maru iphe, mu tuberu; maru ekweta mu; maru ge mu ejeberu iphe-ẹhuka; maru nyemobu mu; maru nshirima mu; ¹¹ maru mkpamehu ono, a kpakotakpooru mu ono g'o ha; mekpoo iphe-ẹhuka ono, mu jegbaberu onoya, bu iphe, tukoru dapfukota mu ẹ Antiyoku; waa ẹ Ayikoniyomu; waa ẹ Lisutura. Su-a; mkpamehu, dapfutakotarumu nu ta abukwa iphe epfupfu! Ọle Nnajiuphu dzokotakwaru mu l'iphemiphe onoya. ¹² Mbu-a; iphe, bukpo ndu bu ndu ọogu g'ẹphe ẹ Kereshi Jizosu tugba buru nanu; g'ẹphe shi ẹgube ono nodu ndu, du Chileke ree be aa-kpakotakwa ẹhu.

¹³ Obenu ẹ ndu bu ndu eme ẹjo-iphe; mẹ ndu anọduje agho ụgho; g'ẹphe ha bẹ a-nọduepho aka ẹji akaka ẹje l'eme ẹjo-iphe, ẹphe eme; ẹphe egude nno dumphushia ndu ọzo; ndu ọzo edumphushikwapho ẹphebedua. ¹⁴ Ole o bu; gubedua l'onwongu; pfushiekwapho ike l'okpobe-opfu ono, e ziru ngu ono, bu iya bu iphe, i kwetaru; opfu l'i makotaru ndu bu phe ziru ngu iya. ¹⁵ L'i nyatajekwapho l'i shi ẹ nwata makotaru iphe, e deru l'ekwo-opfu Chileke. Oo iphe ono, e deru l'ekwo-opfu Chileke ono, du nsọ ono bẹ a-du ike mee ngu l'i nweru mmamiphe k'ophu Chileke e-shi l'ekwekwe, i kweru ke Kéreshi Jizosu dzoo ngu. ¹⁶ Iphe, bu iphe, e deru l'ekwo-opfu Chileke bẹ shikotakwa l'eka Unme Chileke. O du ree l'egudeje zia okpobe-opfu ono; mẹ g'e gudeje iya goshije nemadzu ẹka o meru ẹji; waa g'e gudeje iya agbazi egomunggo; waa g'e gude iya mefutaje nemadzu g'onye obu buru onye pfuberekoto l'iphu Chileke. ¹⁷ Oo ya bu g'onye ke Chileke aburu onye a kwakobewaru okpobe akwakobe k'ejeru Chileke ozi ono, du ree ono, duru iya nu ono g'oduhabe.”

4

¹ Su-a; mu nokwa l'iphu Chileke yẹ Kéreshi Jizosu anmaru ngu okwa anmashiru ngu iya ike su ngu g'i nyatakwa ẹ Kéreshi Jizosu ono, bu iya bu onye e-kpe ndu no ndzu mẹ ndu nwuhuru anwuhu ikpe ono a-lwakwa azu ujiku lanu bya egoshi l'oo ya bu eze. ² Sajekwa ozi-oma Chileke ono kpa kpa; m'o du ndu jisaru iya nphe anuma-o; m'o bu l'o to dudu phe nphe-o; letaekwapho ozi ngu enya. Goshije nemadzu ẹka onye obu mesweru; bageru onye meru ẹji mba; gudejekpoe kwapho ota-nshi meje g'obu shihu phe ike; ẹbe i hajekwa phe ezi iphe. ³ Noo kele o nweru teke

ndiphe e-mechaa jikaaaha Ọkpobe-opfu ono, anyi ezi ono; Ọ bụerupho ẹgu ẹjo-iphe, agụ phẹ nụ bẹ ẹphe a-gbatsoru. Ẹphe achikoo ikpoto ndu ezi iphe ọzo sụ g'ẹphe bya bya ezije phẹ iphe, atso phẹ uto lẹ nchị anuma. ⁴ Ẹphe te ekweedu angabẹ nchị l'Ọkpobe-opfu onoya. Ọ bụru ọphu ẹphe a-nodu anga nchị bụ akọ-iphè. ⁵ Ọle-a; gụbedua l'onwongu; sedekotajekwa onwongu l'iphemiphe kpọ; tajekwaru iphe-ẹhuka nshị; l'ịsà ozi-oma ono àsàsà; ejekota ozi, gbaru ngu nụ; l'ị bụ onye-ozì-oma kẹ Chileke.

⁶ Lẹ mbèdua bẹ bụkwaa iphe-ngwẹja; tẹme ọ gbabewaa mu l'alala. ⁷ Mu lwụakwaru Ọkpobe ọgu ono lwughee. Mu jegheakwaru ozi mu. Mu pfulshiepho ike l'ekwekwe, mu kweru kẹ Kéreshi. ⁸ Iphe, phoduru nụ nta-a bụwaa gẹ Chileke bua mu obunggo, o doberu mu; mbụ lẹ Nnajiuphu ono, l'ekpeje ikpe nhamunha ono bẹ a-gụ mu l'onye pfulberekoto mbọku onoya. Mbụ ọ tọ bụlekwa mu-a kpurumu bẹ oo-bu nggo ono; oo-bukota iya iphe, bụkpoo ndu gude obu phẹ g'ọ ha kwabẹru abyabya iya.

Ozi, Pọlu ezi Timoti k'iche

⁹ Maekwarupho g'ii-me byapfuta mu ẹgwegwa. ¹⁰ Kẹle Dimasu bẹ pakwaru mu haa tughushia; kẹle iphe kẹ mgboko-a bẹ ka iya ree eme lẹ Chileke. Nta-a bẹ ọ tughuwaru jeshia Tesalonayika. Keresensu bẹ jeru Galeshiya. Tayitọsu jee Dalumeshia. ¹¹ Nta-a bụwaa Luku kpoloko bẹ muẹ ya nọ. Gẹ gụ lẹ Maku swikwaru jiko mẹ ị -byajẹ kẹle mkpa iya dukwaru mu shii; g'ọ bya eyetajeru mu ẹka. ¹² Tikikọsu bẹ mu ziru Efesọsu. ¹³ Teke ị byajeru; chitakwaru mu uwe-ukpo mu phọ, mu haru l'ibe Kapọsu lẹ Tirowasu phọ. L'ị chitakwaru mu phọ iphe, bụkpoo ẹkwo ono g'ọ ha; kelekele kẹ ndu ọphu e

gude akpọ-aturu mee. ¹⁴ Alẹguzanda ọp̄hu akp̄je ọzu bẹ mekwaru mu ẹjo-iphe, ha shii. Ọo Nnajiuphu bẹ a-pfukota iya ọgwọ iphe, o meru mu. ¹⁵ Kpakwaru iya l'aphara gubedua l'onwongu; l'ọ kwatakwaru kwachia ozi-a, anyi ezi-a ọzo.

¹⁶ Edo mbu, mu vuchakpoo ọzo pfuru doo l'ulo-ikpe ono ta adukwa g'ọ ka mma l'oo onye lanu shi agba eyeru mu nu. Onyemonye tukoerupho buhaa mu. Ge Chileke jiko ta agukwaru iya yeru phe l'ọ bu iphe-ẹji, ẹphe mee ya. ¹⁷ Ọo Nnajiuphu bẹ bu onye pfu-kube mu nu eyeru mu okpukpu ike; oo ya bu k'ophu mu e-zikota ozi ono g'ọ ha ge ndiphe mgburugburu numa-dzuru iya. Ọ kwa iya pho bu onye nafutaru mu l'onu oduma. ¹⁸ Ọ kwapho Nnajiuphu ono bẹ l'a-nafuta mu l'iphe, bukpo ẹjo-iphe mgburugburu kpọ; dua mu gele gele je edobe l'eka ọ bu eze l'imigwe. G'ajaja buru nkiya jasụ le tuutuutu le mijimiimii. Nokwa g'ọ du.

Ekele, Pọlu gude kpochia ozi iya ishi

¹⁹ Keleru mu Pyirisuka yee Akwila me ndibe Onesiforosu. ²⁰ Erasutosu nokwa le Korentu. Tirifimosu bẹ mu hakwaru le Militosu; kele iphe eme iya. ²¹ Kukebekwa ẹhu byaadaa temanu l'o rwua l'udzumini. Yubulosu l'ekekwa ngu ro. Ọ nodu ekekwa ngu pho mbu Pudensu yee Layinosu; yefua Kulodiya; mewaro unwunna anyi ndu ophu g'ẹphe ha.

²² Ge Nnajiuphu, bu Jizosu Kereshi dobekwa ngu ndzu-o. Chileke emeeru unu g'unu ha eze-iphe-oma. Nokwa g'ọ du.

Bayıburu Izii
Izii: Bayıburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 30 Dec 2021 from source files dated 30 Dec 2021

c6885c7c-c550-5b8b-a4fe-4bd714af4f6d